



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 27. Veccus relegatur.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII. maledicta & injurias sibi accerferet. Vec-
 A.C. 1285. cus & ipse exasperatus, ingeniosas ei ex-
 probrationes fecit: tum conversus ad
 Imperatorem libere asseruit juravitque, si
 Gregorius sedem patriarchalem non re-
 linqueret, turbas Ecclesiæ nunquam se-
 datum iri. Sub hæc verba excande-
 scens Imperator furrexit, & Quid igitur?
 agebat, Post totum laborem, quem mihi
 pro Ecclesia sumpsi, rursus eam turbare
 incipis jam schismaticorum bello impli-
 citam? Late hanc in materiam excurre-
 bat indicans suam indignationem, quod
 id colloquium spem suam usque adeo se-
 fellisset.

§. XXVII.

Veccus relegatur.

Soluto concilio Veccus cum suis in mo-
 nasterium S. Cosmæ reversus ibi ma-
 nebat, sed sub custodia. Imperator eos
 per internuncium hortabatur, ut pacem
 colerent, libidinem disputandi comprime-
 rent, cum bona ipsius gratia conquiesce-
 rent; alioquin multandi exilio, nec me-
 lius habendi, quam jussisset. Illi per-
 stantes in sententia respondebant se, quid-
 quid Imperator vellet, passuros potius,
 quam morem gesturos iis, a quibus
 immerito condemnati essent. Sæpius
 tentatos frustra Imperator offensus in
 arcem

arcem quandam, cui a S. Gregorio no-
men erat, ad Astacensem seu Comidia-
num Bithyniæ sinum positam relegavit
exulum sustentationi nequaquam provi-
dens. Illic inclusos servabant Galli,
quibus prætoriæ cohortis Dux quidam
præerat.

Sæcul. XIII.
A.C. 1286.

§. XXVIII.

Jacobus Siciliae Rex.

Novus Siciliae Rex Jacobus Arrago-
nius ex vi testamenti patris coronan-
dum se curavit anniversario lustratæ Vir-
ginis die 2 Febr. 1286. Ceremonia fie-
bat Panormi coram cunctis Proceribus,
& Sicularum urbium Oratoribus univer-
sis. Papa Honorius, antequam id co-
gnoverat, eodem anno die Coenæ domi-
nicæ 11 Aprilis anathemate devinctos
denunciavit Jacobum & matrem ejus
Constantiam tanquam foventes augen-
tesque Siciliae seditionem, atque intra
diem Ascendentis in coelum Domini ex
illa egredi jussit. Deinde impositam Ja-
cobo coronam audiens iteravit anathe-
ma; ceremoniam declaravit nullam, ne-
que inaugurationem, sed rem abominan-
dam esse; loca omnia, ubi Jacobus Ar-
ragonius ageret, interdicto affecit: duos
Episcopos Cephalædanum in Sicilia, &
Neocastrensem in Calabria coram se

Nic. Special.
l. 2. n. 9.

Rayn. n. 6.

Id. n. 6.

n. 8.